

四庫全書

子部

欽定四庫全書

子部

冊府元龜卷四百

八十七至  
九十

詳校官中書臣丁榮祚

侍讀臣孫球覆勘

總校官庶吉士臣何思鈞

校對官中書臣陸湘

謄錄監生臣范光謙

欽定四庫全書

冊府元龜卷四百八十七

宋王欽若等撰

邦計部

賦稅

自禹平水土乃定九州之賦商周二代率循其制有賦  
有稅稅以給郊社宗廟百神之祀乘輿奉養百官祿食  
庶事之費賦以供兵甲車馬士徒之役府庫錫予之用  
蓋周之法詳矣其後沿襲殊範貧涼迭變乃至履畝之

政作丘甲之斂生失於舉中異夫稽古漢氏之後或因  
或革若夫度田以收租量口以出調成丁以給役計役  
以收庸隨風宜以折課奠物直以徵算乃至蠻俚之俗  
亦收財賦司籍之記可得而徵然而制財用之節量輕  
重之法陳之藝極歸于底慎必在乎稽先王之彛憲求  
歷代之令典是以什一而賦謂之中正頌聲之作罔不  
繇是焉

堯時禹為司空平水土既別九州作禹貢冀州厥賦惟

上上錯

賦謂土地所生以供天子

兗州厥賦貞

貞正也州第九

賦正與九相當

作十有三載乃同

作治十三年乃使賦法與他州同

厥貢漆絲

厥篚織文

地宜漆材又宜桑蠶織文綺之屬盛之箱篚而貢焉

青州厥賦中上

賦第四

厥貢鹽絺海物惟錯

絺細葛錯雜非一種

岱畎絲枲松怪

石

山谷也怪石好石似玉者岱山之谷出此五物皆貢之

徐州厥賦中中

賦第五

厥

貢惟土五色

王者封五色土為社建諸侯則各割其方色土與之使立社煮以黃土直以白茅茅

取其潔黃取王者履四方

羽畎夏翟嶧陽孤桐

夏翟翟雉名羽中旌龍羽山之谷有之孤

特也嶧山之陽特生梧中琴瑟

泗濱浮磬淮夷蠙珠暨魚

泗水涯水中見石可以為

磬噴珠珠名淮夷水中出噴珠及美魚

厥篚玄織縞

玄黑縞縞白縞織細也織在中明二物皆

當揚州厥賦下上錯

賦第七雜出第六

厥貢惟金三品

金銀銅也

瑤琨篠蕩

瑤琨皆美玉

齒革羽毛鳥羽惟木

齒象牙革犀皮羽毛旄牛尾木根梓豫章

島夷卉服

北海島夷草服葛越

厥篚織貝

織細紵貝文物

厥包橘柚錫貢

小曰橘大曰柚其所包裹而致者錫命乃貢言不常

荊州厥賦上下

賦第三人功修

厥貢

羽毛齒革惟金三品

土所出與揚州同

杔榦栝栢

三木名栢葉松身曰栝

礪砥砮丹

砥細于礪皆磨石也砮石中矢鏃丹朱類

惟筮簞楛三邦底貢厥

名

籩簞美竹楛木名三物皆出雲夢之澤近澤三國嘗致貢之其名天下稱善

包匭菁茅

匭匣也菁

以為莖茅  
以縮酒

厥篚玄纁璣組

此州染玄纁色善故貢之璣珠類生于水組綬類

九

江納錫大龜

尺二寸曰大龜出于九江水中龜不常用錫命而納之

豫州厥賦錯

上中

賦第二又雜出第一等

厥貢漆臬締紵厥篚織纊

纊細綿

錫貢

磬錯

治玉石曰錯此治磬錯

梁州厥賦下中三錯

賦第八雜出第七第九二等

厥貢瓊鐵銀鏤斝磬

瓊玉名鏤剛鐵

熊羆狐狸織皮

貢四獸之皮織為罽

雍州厥賦中下

賦第六人功少

厥貢惟球琳琅玕

球琳皆玉石琅玕石而似

玉庶土交正底慎財賦

交俱也東土俱得其正慎者言取之有節不過度也

咸則

三壤成賦中邦

皆法壤田上中下大較三品成九州之賦明水害除

五百里甸服

規方千里之內謂之甸服為天子服治田賦王城四面五百里百里賦納總甸服內之

城者禾藁曰總入之供飼國馬二百里納銍銍刈謂未總三百里納秸服

也四百里粟五百里米所納近者粗遠者精五百里侯服之五百

里侯侯也斥侯服內之百里采侯服內之百里男邦男任也

者三百里諸侯侯故合三為一名五百里綏服也綏安

服外五百里安服王者政教三百里揆文教揆度也度王者文教二

百里奮武衛文教外之二百里奮武衛天子所以安五百里要服綏服之

里要束以文教三百里夷守平常之教二百里蔡蔡法也法三



五百里荒服

要服之外五百里言荒又簡畧

三百里蠻

以文德招來之不制以法

二

百里流

流移也言政教隨其俗凡五服相距為方五千里

夏后氏五十而貢

殷人七十而助

助藉也

天子百里之內以供官千里之內

以為御

謂此地之田稅所給也官謂其文書財用也御謂衣也

是時公田藉而不

稅

藉之言借也借民以治公田美惡取于此不稅民之所自治也

周人百畝而徹

徹通也

圭田無征

圭猶治也征稅也孟子曰卿以下必有圭田治

圭田者不稅所以厚賢也此則周禮之土田以任近郊之地稅什一也

小司徒之職乃經

土地而井牧其田野九夫為井四井為邑四邑為丘四

丘為甸四甸為縣四縣為都以任地事而令貢賦凡稅

斂之事

井牧者春秋所謂井衍沃牧隰臯者也隰臯之地九夫為牧二牧而當一井今違都鄙授井田

有不易有一易有再易通率二而當一是之謂井牧百里之國凡四都一都之田稅入于王五十里之國凡四縣一縣之田稅入于王二十五里之國凡四甸一甸之田稅入于王地事是謂農牧衛廩也貢謂九谷山澤之財也賦謂出車徒給徭役也

乃分地域而辨其守施其職而平其政

職謂九職也政稅也政當作征

卿大夫之職以歲時登夫家之衆寡辨

其可任者國中自七尺以及六十野自六尺以及六十

有五皆征之其舍者國中貴者賢者能者服公事者老

者疾者皆舍以歲時入其書

登成也定也國中城郭中也晚賦稅而早免之以其

復多後少早賦稅而晚免之以其復少後多征之者給公上事也舍者謂有復除舍不收事也貴者謂若宗室及闕內侯皆是服公事者謂若吏胥也老者謂若八十九十之類疾者謂若痲瘋者入其書者言于大司徒

載師掌任土之法以物地事授地職而待其政令

任土者任

其力勢所能生育且制貢賦也物物色之以知其所宜之事而授農牧衛虞使職之

凡任地國宅

無征園廬二十而一近郊十一遠郊二十而三甸稍縣

都皆無過十二唯其漆林之征二十而五

征稅也言征以供國政也

任地謂任土地以起稅賦也國宅城中宅也無征無稅也周稅輕近而重遠近者多役也園廬亦輕之者廬無穀園少利也

閭師掌國中及四郊之人民六畜之數以任其力以待

其政令以時征其賦

賦謂九賦及九貢

凡任民任農以耕事貢

九穀任圃以樹事貢草木任工以飭材事貢器物任商

以市事貢貨賄任牧以畜事貢鳥獸任嬪以女事貢布

帛任衡以山事貢其物任虞以澤事貢其物

貢草木謂菘韭果蔬

之凡無職者出夫布

獨言無職者掌其九賦

魯宣公十五年秋初稅畝

公田之法十取其一今又覆其餘畝復十收其一故哀公

曰二吾猶不足遂以為常故曰初

非禮也穀出不過藉

周法民制百畝公田十畝借民

力而治之稅不過此

以豐財也

成公元年三月作丘甲

周禮九夫為井四井為邑四邑為丘丘十六井出戎馬一匹牛

三頭四丘為甸甸六井出長轂一乘戎馬四匹牛十二頭甲士三人步卒七十二人比甸所賦今魯使丘出之

重斂也

昭公四年鄭子產作丘賦

丘十六井當出馬一匹牛三頭今子產別賦其田財通共

出馬一匹

哀公十二年春用田賦

古者九夫為井十六井為丘丘賦之法因其田財通共出馬一

匹牛三頭今別其田及家財各為一賦故言田賦

先是季孫欲以田賦使冉有

訪諸仲尼仲尼曰丘不識也三發

三發問

卒曰

卒終也

子為

國老待子而行若之何子之不言也仲尼不對

不答公

而

私於冉有曰君子之行也

行政事

度於禮施取其厚事舉

其中斂從其薄如是則以丘亦足矣

丘謂之常法

若不度於禮

而貪冒無厭則雖以田賦又將不足且子季孫若欲行

而法則周公之典在若欲苟而行又何訪焉弗聽

秦孝公十四年初為賦制貢稅之法

漢高祖即位初約法省禁輕田租什五而稅一量吏祿

度官用以賦於民纒取足

四年八月初為算漢儀注民年十五以上至五十六出賦錢人百二十為一算為治庫兵車

馬

十一年二月詔曰欲省賦甚意甚欲省賦故也今獻未有程程法

式吏或多賦以為獻而諸侯王尤多民疾之諸侯王賦其國中

為獻物又多於郡故百姓疾苦之令諸侯王通侯常以十月朝獻及郡

各以其口數率

率計也

人歲六十三錢以給獻費

惠帝即位初減田租復十五稅一

漢家初十五稅一儉於周十稅一也中間

廢今復之也

六年十月令女子十五以上至三十不嫁五算

國語趙王句踐

令國中女子年十七歲不嫁者父母有罪欲人民繁息也漢律人出一算算百二十錢惟賣人與奴婢倍算今使五算罪誦之也

文帝時人賦四十丁男二十年而事

常賦歲百二十歲一事時天下人多

故出賦四十

三歲一事



景帝二年五月令田半租

三十而稅一也

武帝建元元年二月詔年八十復二算九十復田卒

二算

二口之算也復田卒不豫革車之賦也

元光六年冬初算商車

始稅商賈車船令出算

時商賈以幣之變

多積貨逐利于是公卿言郡國頗被災害貧民無產業者

募徙廣饒之地陛下損膳省用出禁錢以賑元元寬貸

而民不齊出南畝

言農人尚少不皆務耕種也

商賈滋衆貧者畜積

無有皆仰縣官異時算輶車賈人之緡錢比日有差

異時

言往時也輶小車也緡謂錢貫也

請算如故諸賈人末作貫貸賣買居

邑貯積諸物

貫賒也貸假與也

及商以取利者雖無市籍各以

其物自占

占隱度也各隱度其財物多少而為名簿送之於官也

率緡錢二千而

算一

率計有二千錢者則出一算

諸作有租及鑄

以手力所作而賣之者

率緡

錢四千算一非吏比者三老北邊騎士輶車一算

比也身

非為北吏之例非為三老非為邊騎士而有輶車皆令出一算

商賈人輶車二算

商賈人有輶車

又使多出一算重其賦

舡五丈以上一算匿不自占占不悉戍邊

一歲沒入緡錢

悉盡也

有能告者以其半畀之

元狩四年冬初算緡錢

緡絲也。以貫錢也。一貫千錢。出算二十也。謂有儲積錢者計其

緡貫而稅之

昭帝元鳳六年夏詔曰穀賤傷農今三輔太常穀減賤其令以菽粟當今年賦

元平元年二月詔曰天下以農桑為本日者省用罷不急官減外繇耕桑者益衆而百姓未能家給朕甚愍焉其減口賦錢有司奏請減十三帝許之

宣帝甘露二年春減民算三十

一算減錢三十也

元帝即位初諫大夫貢禹奏言古民無賦算口錢起武  
帝征伐四夷重賦於民民產子三歲則出口錢故民重  
困至於生子輒殺甚可悲痛宜令兒七歲去齒乃出口  
錢年二十乃算天子下其議令民產子七歲乃出口錢  
自此始

成帝建始二年正月減天下賦算四十

本算百二十今減四十為八十

平帝元始元年六月天下女徒已論歸家顧山錢月三

百謂女徒論罪已定並放歸家不親後之但令一月出錢三百以值人也

後漢光武建武六年十二月詔曰頃者師旅未解用度

不足故行什一之稅

謂十分而取其一也孟子曰夏五十而貢殷七十而助周百畝而徹

其實皆什一也

今軍士屯田糧儲差積

武帝初通西域始致校尉屯田

其令郡

國收見田租三十稅一如舊制

景帝二年令人田租三十而稅一今依景帝故

制云舊

桓帝延熹八年八月初令郡國有田者畝斂稅錢

畝十錢也

靈帝中平二年二月稅天下田畝十錢

以脩宮室

魏太祖初平袁氏以定鄴都令收田租畝粟四升戶絹

二疋并綿二斤餘不得擅興

晉武帝平吳之後制戶調之式丁男之戶歲輸絹三疋綿三斤女及次丁男為戶者半輸其諸邊郡或三分之二遠者三分之一夷人輸實布戶一疋遠者或一丈男女年十六已上至六十為正丁十五已下至十三六十一已上至六十五為次丁十二已下六十六已上為老小不事遠夷不課田者輸義米戶三斛遠者五斗極遠輸算錢人二十公文

元帝時百姓之自投南奔者竝謂之僞人皆取舊壤之名僞立郡縣往往散居無有土着江南之俗火耕水耨土地卑濕無有蓄積之資諸蠻俚洞雷沐王化者為隨輕重收其賾物以裨國用其嶺外酋帥因生口翡翠明珠犀象之饒擁於鄉曲者朝廷因而置之以收其利

歷宋

齊梁陳皆因而不改

其軍國所須雜物隨土所出臨時折課市取

乃無常法定例令州郡縣制其任土所出以為徵賦其無貫之人不樂州縣編戶者謂之浮浪人樂輸亦無定

數任量准所輸終優於正課焉其課丁男調布絹二丈  
絲三兩綿八兩祿絹八尺祿綿三兩二分租米五石祿  
米二石丁女並半之男女年十六已上至六十為丁女  
年十六亦半課男年十六正課六十六免課女以嫁者  
為丁若在室者年二十乃為丁其男丁每歲役不過二  
十日又率十八人出一運丁役之其田畝稅米二升益  
大率如此其度量斗則三斗當今一斗稱則三兩當今  
一两尺則一尺二寸當今一尺



成帝咸和五年始度百姓田取十分之以率畝稅米三升

哀帝隆和元年減田租畝收二升

孝武太元二年除度田收稅之制公王以下口稅三斛惟蠲在役之身八年增稅米五石

宋孝武大明五年十二月制天下民戶歲輸布四疋七年十二月制聽受雜物當租以浙東諸郡大旱

南齊武帝永明四年詔揚南徐二州今年租戶三分二

取見布一分取錢來歲以後遠近諸州輸錢處並減布  
直足准四百依舊折半以為永制

明帝建武四年詔所在結課屋宅田桑可詳減舊價

後魏道武天興初詔採諸漏戶令輸綸絲

自後諸逃戶  
占為紬蠶羅

穀甚  
衆

明元永興五年正月詔諸州六十戶出戎馬一匹

泰常六年二月調民二十戶輸戎馬一匹大牛一頭六

部民羊滿百口輸戎馬一匹

文成興安二年正月詔與民雜調十五

獻文以和平六年五月即位六月詔曰夫賦斂煩則民財匱課調輕則用不足是以什一而稅頌聲作矣先朝權其輕重以惠百姓朕承洪業上惟祖宗之休命夙興待旦惟民之恤故令天下同於逸豫而徭賦不息將何以塞煩去苛拯濟黎元者哉今兵革不起蓄積有餘諸

有雜調一以丐民

先是興安中文成以常賦之外雜調十五煩為煩重將與除之尚書毛法

仁曰此是軍國資用今頓罷之臣恐以為不可帝曰使地利無窮民力不竭百姓有餘吾孰與不足遂免之未

幾復調如前至是乃終罷焉  
于是賦斂稍輕民復瞻矣

是年因民貧富為租輸三

等九品之制千里外納米上三品入京師中三品入他

州要倉下三品入本州

孝文延興三年七月詔河南六州之民戶收絹一疋綿  
一斤租三十石十月太上皇將南討詔州郡之民十丁  
取一以充行戶收租五十石以備軍用

五年四月詔天下賦調縣專督集牧守封簡送京師違  
者免所居官

太和八年六月始准古班百官之祿以品第各有差先  
是天下戶以九品混通戶調帛二疋絮二斤絲一斤粟  
二十石又入帛一疋二丈委之州庫以供調外之費至  
是戶增帛三疋粟二石九斗以為官司之祿十年給事  
中李沖上言宜准古五家立一鄰長五鄰立一里長五  
里立一黨長長取鄉人強謹者鄰長復一夫里長二黨  
長三所復復征戍餘若民三載亡愆則陟用陟之一等  
其民調一夫一婦帛一疋粟二石民年十五以上未娶

者四人出一夫一婦之調奴任耕婢任織者八口當未  
娶者四耕牛二十頭當奴婢者八其麻布之鄉一夫一  
婦布一疋下至牛以此為降大率十疋為公調二疋為  
調外費三疋為內外百官俸此外雜調民年八十以上  
聽一子不從役孤獨癯老篤疾貧窮不能自存者三長  
內送養之書奏諸官通議稱善者衆孝文從之於是遣  
使者行其事乃下詔曰夫任土錯貢所以通有無井乘  
定賦所以均勞逸有無通則民財不匱勞逸均則人樂

其業此自古之常道也又鄰里鄉黨之制所由來久欲使風教易周家至日見以大督小從近及遠如身之使手榦之總條然後口算平均義興訟息是以三典所同隨世污隆貳監之行從時損益故鄭僑復丘賦之術周人獻盍徹之規雖輕重不同而當時俱適自昔以來諸州戶口籍貫不實包藏隱漏廢公罔私富強者并兼有餘貧弱者餬口不足賦稅齊等無輕重之殊力役同科無衆寡之別雖建九品之格而豐塉之土未融雖立均輸

之措而蠶織之鄉無異致使淳化未樹民情偷薄朕每思之良懷深慨今革舊從新為里黨之法在乎牧守宜以喻民使知去煩即簡之要初百姓咸以為不若循常豪富并兼尤弗願也事施行後計省昔十有餘倍於是海內安之

十二年詔郡臣求安民之術有司上言請折州郡常調九分之二京都度支歲用之餘各立官司豐年糴貯於倉時儉則加私之一糶之於民如此民必力田以買絹



積財以取粟官年登則常積歲凶則直給又別立農官  
取州郡戶十分之一以為屯民相水陸之宜斷頃畝之  
數以贖贖雜物市牛科給令其肆力一夫之田歲責六  
十斛甄其正課并征戍雜役行此二事數年之中則穀  
積而民足矣帝覽而善之尋施行焉自此公私豐贍雖  
時有水旱不為災也

二十年十月以州司之民十二夫調一吏為四年更卒  
歲開番假以供公私力役

孝明孝昌二年冬稅京師田租畝五升借債公田者畝

一斗

是時辛穉為汝陽太守值水滂民饑上表請輕租賦孝明從之遂勅汝陽一郡聽以小絹為調

出帝太昌元年六月詔曰間者凶權誕恣法令變常遂

立夷貊輕賦冀收天下之意隨其箕斂之重終納十倍

之征掩目捕雀何能過此朕屬念黎蒸無忘寢食加以

田桑始事生業未滋若頓依常格或不周展今歲租調

且兩收一丐來年復舊

北齊文宣天保初立九等之戶富者稅其錢貧者役其

力

武成河清三年定令率以十八受田輸租調二十充兵

六十免力役六十六退田免租調率人一牀調絹一疋

綿八兩凡十斤綿中折一斤作絲

舊制未娶者輪半牀  
租調有妻者輪一牀

無者  
半牀

墾租二石義租五斗奴婢各准良人之半牛調絹

二尺墾租一斗義租五升墾租送臺義租納郡以備水

旱皆依貧富為三臬其賦稅常調則少者直出上戶中

者及中戶多者及下戶上臬輸遠處中臬輸次遠下臬

輸當州倉三年一校租入臺者五百里內輸粟五百里外輸米入州鎮者輸粟人欲輸錢者准上絹收錢

後周太祖為西魏相國創制司賦掌功賦之政令民人自十八以至六十有四與輕瘠者皆賦之其賦之法有室者歲不過絹一疋綿八兩粟五斛丁者半之其非桑土有室者布一疋麻十斤丁者又半之豐年則全賦中年半之下年三之皆以時徵焉若罹凶札則不徵其賦司役掌力役之政令凡人自十八以至五十有九皆任於

役豐年不過三旬中年則二旬下年則一旬凡起徒役無過家一人其人有年八十者一子不從役百年者家不從役廢疾非人不養者一人不從役若凶札又無力

役

武帝保定元年三月改八丁兵為十二丁兵率歲一月役

隋高祖開皇元年遷都發山東丁毀造宮室仍依周制役丁為十二番匠則六番

二年頒新令丁男一牀租粟三石桑土調以絹純麻土調以絹布絹純以疋加綿三兩布一端加麻三斤單丁及僕隸各半之有品爵及孝子順孫義夫節婦竝免課役

三年正月減十二番令歲役功不過三十日不役者收

庸減調絹一疋為二丈

初燕威父綽仕西魏為度支尚書以國用不足為征稅之法頗

稱其重既而嘆曰今所為者正如張弓非平世法也後之君子誰能弛乎威聞其言每以為已任至是威為民部尚書奏減賦役務從輕典帝悉從之

十年五月制人年五十免役收庸

是時宇內無事  
益輕徭賦焉

十八年五月左僕射高潁奏諸州無課調處及課州管戶數少者官人祿力乘前以來常出隨近之州但判官本為牧人役力理出所部請於所管戶內計戶徵稅帝從之

煬帝大業初除婦人及奴婢部曲之課其後將事遼碣增置軍府掃地為兵自是租賦之人益減矣

唐高祖武德二年制每一丁租二石絹二疋綿三兩自

茲以外不得橫有調斂

七年三月始定均田賦稅每丁歲入粟三石調則隨鄉土所產綾絹絕為二丈布加五分之一輸綾絹絕者兼調綿三兩輸布者麻三斤凡丁歲役二旬若不役則收其庸每日三尺有事而加役者旬有五日常免其調三旬則租調俱免通正役不過五十日若嶺南諸州則稅米上戶一石二斗次戶八斗下戶六斗若夷獠之戶皆從半輸蕃胡內附者上戶丁稅錢十文次戶五文下戶免



之附經二年者上戶丁輸半二口次戶一口下三戶共  
一口凡水旱蟲傷為災十損四以上免租損六以上免  
調損七以上課役俱免

玄宗開元九年十月勅曰如聞天下諸州送租庸行綱  
發州之日依數收領至京都不合有欠或自為停滯因  
此耗損兼擅將貨易交折遂多妄稱舉債陪填至州重  
徵百姓或假托貴要肆行逼迫江淮之間此事尤甚所  
由既下文牒州縣遞相稟承戶口艱辛莫不由此自今

以後所有損欠應須陪填一事以上並勒行綱及元受領所由人知其受納司不須為行下文牒州縣亦不得徵打仍委按察司採訪如有此色所由官停却具狀奏十六年七月勅諸州稅及地稅等宜令州郡長吏專勾當依限徵納訖具所納數及徵官名品申省如徵納違限及簡覆不實所由官並先與替仍准法科徵

二十二年五月勅定戶之時百姓非商戶郭外居宅及每丁一牛不得將入財貨數其雜匠及幕事并諸色同

類有番役令免征行者一戶之內四丁已上任色役不得過兩人三丁已上不得過一人

七月勅自今已後京兆府關內諸州應徵庸調及資課并限十月三十日畢

二十三年六月勅天下百姓正丁課輕徭役所入惟納租庸人以安之國用常足比緣戶口殷衆色役繁多每歲分番計勞入任因納資課取便公私兼租脚稅戶權宜輕率約錢定數不得不然如聞州縣官僚不能處置

凡如此色邀納見錢或非時徵納錢賣布帛既輕蠶織  
爭務貸泉農商之間頗亦為弊朕每思敦本將以便人  
期於省約使致通濟自今已後凡是資課稅戶租腳營  
害折里等應納官者並不須令出見錢抑遣徵備任以  
當土所司均融支料常令折衷十道使明加簡察勿使  
乖宜

二十五年四月勅關輔庸調所稅非少既寡蠶桑皆資  
菽粟常賤糶貴賣捐費逾深又江淮苦變造之勞河路

增轉輸之弊每計其運脚數倍加錢今歲屬和平庶物  
穰賤南畝有十千之獲京師同水止之饒均其餘以減  
遠貴順其便使農無傷自今已後關內諸州庸調資課  
竝宜准時價變粟取米送至京逐要支用其路遠處不  
可運送者所在收貯便充隨近軍糧其河南河北有不  
通水舟宜折租造絹以代關中調課所司仍明為條件  
稱朕意焉

九月詔曰大河南北人戶殷繁衣食之原租賦尤廣頃

年水旱厥庾尚虛今歲屬和平時遇豐稔而租所入水陸運漕緣脚錢雜必甚傷農務在優饒惠彼黎庶息其轉輸大實倉儲今年河南河北應送含嘉太原等倉租米宜折粟留納本州

天寶元年正月勅如聞百姓之內有戶高丁多苟為規避父母見在乃別籍異居宜令州縣勘會其一家之中有十丁已上者放兩丁征行賦役五丁已上放一丁即令同籍共居以敦風教其賦丁孝假與免差科

三年十一月制自今以後天下百姓宜以十八已上為  
中男二十三已上成丁每載庸調八月徵收農功未畢  
恐難濟辦自今已後延至九月二十日為限

八載正月勅朕永念黎元務弘愛育所以惠政頻及善  
貸相仍亦將克致和平登於仁壽如聞流庸之輩漸亦  
歸復浮食未還其數非廣靜言此色竝見其繇蓋為宰  
牧等授任親人職在安戢稍有逃逸恥言減耗籍帳之  
間虛存戶口調賦之際旁及親隣此弊因循其事自久

寤寐興念良用憮然不有釐革孰致殷阜其承前所有  
虛掛丁戶應徵租庸課稅令近親隣保代輸者宜一切  
竝停應合除削各委本道採訪使與外州相知審細簡  
覆申牒所繇分其逃還復業者務令優恤使得安存縱  
先為代輸租庸不在酬還之限是時庸調租等約出絲  
綿郡縣計三百七十餘萬丁庸調輸絹約七百四十餘  
萬疋每丁計二疋綿則百八十五萬餘屯每丁三兩六兩為屯每兩丁合成一  
也屯租粟則七百四十餘萬石每丁兩石約出布郡縣計四百



五十餘萬丁庸調輸布約千三十五萬餘端

每丁兩端一丈五尺

十丁則二十  
十二端也

其租約百九十餘萬丁江南郡縣折納布約

五百七十餘萬端

大約八等以下戶計之八等折租每丁三端一丈九等則二端二丈今通

以三端為率也

二百六十餘萬丁江北郡縣納粟約五百二十

餘萬石大凡都計租稅庸調每歲錢粟絹綿布等約得五千二百三十餘萬端足屯貫石

十四載八月制天下諸郡逃戶有田宅產業妄被人破除并緣欠負租庸先以親鄰買賣及其歸復無所依投

永言至此須加安輯應有復業者宜竝却還縱已代出租稅亦不在徵陪之限國之役力合均有無比來應定門夫殊非得所每縣中男多者累載方始一差中男少者一周遂役數過既緣偏併豈可因循自今已後諸郡所差門夫宜於當郡縣通率准式納課分配令得均平代宗廣德元年七月詔一戶之中有三丁放一丁庸調地稅依舊每畝稅二升天下男子宜二十五歲成丁五十五入老應徵稅租刺史縣令據見在戶徵稅其逃亡

絕者不得虛攤鄰保

二年二月制寇戎以來積有年歲徵求數廣彫弊轉深自今已後除正租稅及正勅并度支符外餘一切不在徵科限

永康元年五月京畿表大稔京兆尹第五琦奏請每十畝官稅一畝效古十一之義從之

二年五月諸道稅地錢使殿中侍御史韋元膺等自諸道使還乾元已來屬天下用兵京師百官俸錢減耗帝

即位推恩庶僚下議公卿或以稅畝有苗者公私減濟  
乃分遣憲官稅天下地青苗錢以充百司課料至是得  
錢四百九十萬貫仍以御史大夫為稅地錢物使歲以  
為常均給百官

大歷元年十一月制曰夫從簡之道大易至言薄賦之  
規前王令範朕志遵儉約務欲息人徵斂無期誠為勞  
弊天下百姓除正租庸及軍器所須外不承正勅一切  
不得輒有科率逃亡失業萍泛無依特宜招綏使安鄉

井其逃戶復業者宜給復三年如百姓先貸賣田宅盡者宜委州縣取逃戶死口田宅量丁口充給仍仰縣令親至鄉村安存處置務從樂業以贍資糧王畿之間賦斂尤重百役供億當甚艱辛哀我疲人良深憫念盍徹之稅著自周經未便於人何必行古其什一之稅宜停四年正月詔曰有司定天下百姓及王公已下每年稅錢分為九等上上戶四千文中上戶三千五百文上下戶三千文中上戶二千五百文中中戶二千文中下戶

一千五百文下上戶一千文下中戶七百文下下戶五百文其見任官一品准上上戶九品准下下戶餘品並准依此戶等稅若一戶數處任官亦每處依品納稅其內外官仍據正員及占額內闕者稅其試及同正員文武官不在稅限其百姓有邸店行舖及爐冶應准式合加本戶二等稅者依此稅數勘責徵納其寄莊戶准舊例從八等戶稅寄住戶從九等戶稅比類百姓事恐不均宜各遞加一等稅其諸色浮客及權時寄住戶等

無問有官無官亦所在為兩等收稅稍殷者准八等戶  
餘准九等戶如數處有莊田及每處稅諸道將士莊田  
既緣防禦勤勞不可同百姓例竝一切從九等輸稅  
十月勅曰比屬秋霖頗傷苗稼百姓種麥其數非多如  
聞村閭不免流散來年稅麥須有優矜其大歷五年夏  
麥所稅特宜與減常年稅其地總分為兩等上等每畝  
稅一斗下等每畝稅五升其荒田如能開佃者一切每  
畝稅二升令在必行用明大信仍委令長宣示百姓并

錄勅榜示村坊要路令知朕意

十二月勅頃以蕃寇猶虞王師未戢所資軍費皆出邦畿征調薦興日加煩重念流亡之役減歲入之租務於惠養異有蘇息尚聞告病終未安居深用愧悼更思愛卹今闕輔諸州墾田漸廣江淮轉漕常數又加計一年之儲有大半之助其餘他稅固可從輕其京兆來年秋稅宜分作兩等上下各半上等每畝稅一斗下等每畝稅六升其荒田如能佃者宜准今年十月二十九日勅



一切每畝稅二升仍委京兆尹及令長一一存撫令知朕  
意

五年三月定京兆府百姓稅夏稅上田畝稅六升下田  
畝稅四升秋稅上田畝稅五升下田畝稅三升荒田開  
佃者畝率二升

八年正月詔諸色丁匠如有情願納贖課代役者每月  
每人任納錢二千文其青苗地頭錢天下諸州每畝率  
十五文比以京師煩劇加至三十文自今已後宜准諸

州例每畝十五文

冊府元龜卷四百八十七

欽定四庫全書

冊府元龜卷四百八十八 宋 王欽若等 撰

邦計部

賦稅第二

唐德宗建中元年正月制自艱難已來徵賦名目繁雜  
委黜陟使與諸道觀察使刺史作年支兩稅徵納比來  
新舊徵科色目一切停罷兩稅外輒別率一錢四等官  
准擅興賦以枉法論其軍府支計等數准大歷十四年

八月七日勅處分

二月發黜陟使分往天下作兩稅之法凡百役之費一錢之斂先度其數而賦於人量出以制入戶無土客以見居為簿人無丁中以貧富為差行商者在所部郡縣稅三十之一居人之稅秋夏兩徵之俗有不便者二之餘徵賦悉罷而丁額不廢其田畝之稅率以大歷十四年墾數為準徵夏稅無過六月秋稅無過十一月違者進退長吏令黜陟使各量風土所宜人戶多少均定其

賦稅尚書度支總統焉是年天下兩稅之戶凡三百八

萬五千七十有六賦入一千三百五萬六千七十貫斛

鹽利不在焉

時宰相楊炎初定令式國家有租賦庸調之法開元中玄宗修道德以寬仁為理本

故不為版籍之書人戶寢溢隄防不禁丁口轉徙非舊名矣田畝移換非舊額矣貧富升降非舊第矣戶部徒以空文總其故書蓋不得當時之實舊制人丁戍邊者蠲其租庸六歲免歸玄宗方事夷狄戍者多死不返邊將怙寵而諱敗不以死申故其貫籍之名不除至天寶中王鉞為戶口使方務聚斂以丁籍具存則丁身為往是隱謀而不出耳遂案舊籍計除六年之外積徵其家三十年租庸天下之人無告則租庸之法弊久矣迨至德之後天下兵起始以兵後因之餓厲徵求運輸百役並作人戶彫耗版圖空虛軍國之用仰給於度支轉運

二使四方大鎮又自給於節度都團練使賦斂之司數四而莫相統攝於是綱目大壞朝廷不能覆諸州四方貢獻悉入內庫權臣猾吏因緣為奸或公託進獻私為盜賊者動方萬計河南山東荆襄劍南有重兵處皆厚自奉養正賦所入無幾吏之職名隨人署置俸給厚薄由其增損故科斂之名凡數百廢者不削重者不去新舊仍積不知其涯百姓受命而供之瀝膏血鬻親愛旬輸月送無有休息吏因其苛蠶食于人凡富人多丁者率為官僧以冀免役貧人無所入則丁存故課免於上而賦增于下是以天下殘瘁蕩為浮人鄉居地著者百不四五如是者殆三十年災因奏懇言其弊乃請作兩稅法德宗善而行之詔諭中外而掌賦者沮其非利言租庸之令四百餘年舊制不可輕改帝行之不疑天下便之人不土斷而地著賦不加斂而增入版籍不造而得其虛實貪吏不戒而奸無所取自是輕重之權始歸于朝廷災救時之弊頗有嘉聲也

三年五月淮南節度使陳少遊請於本道兩稅錢每千增二百因詔他道悉如淮南

貞元四年正月制天下兩稅更審定等第仍加三年一定以為常式

八年四月劍南西川節度使韋臯請加稅十二以增給官吏從之

五月初增稅京兆青苗畝三錢以給掌閑彊騎

十二年二月虢州刺史崔衍奏所部多是山田且當郵

傳衝要屬歲不稔頗有流離舊額賦租特乞蠲減號居華陝之間而稅重數倍青苗錢華陝之郊畝出十有八而號之人畝徵七十衍乃上其事時裴延齡領度支方務聚斂乃詰衍以前後刺史無言者衍又上陳人困日久有司不宜以不訴為譴表辭切直有詔乃減號州青苗錢

十八年十月詔京畿諸縣百姓應今歲青苗錢其中有便于納粟者計約時估價納之如便于納錢不便于納



粟者宜聽委京兆府專督其務如縣令及主吏壅命者懲罰有差國家經計當有儲畜百姓徵賦深可優矜所期使人亦冀均濟咨爾長吏宜悉朕懷

順宗以貞元二十一年正月即位制天下諸州府應須夫役車牛驢馬腳價之類并以兩稅錢自備不得別有科配仍并依兩稅元勅處分仍永為常式不得擅有諸色權稅

憲宗元和四年二月度支奏諸州府應上供受稅足段

及留使留州錢物等每年足段估價稍貴其留使留州  
錢即聞多是徵納見錢及賤價折納足段既非齊一有  
損疲人伏望起元和四年已後據州縣官正料錢數內  
一半任依京官例徵納見錢支給仍先以郭下兩稅戶  
合給見錢充如不足即于當州兩稅內據貫均配支給  
其餘留使州雜給用錢即請各委州府並依送省輕貨  
中估折納足段充如本戶稅錢較少不成端足者並任  
折納絲綿如舊例徵納雜物斛斗支用者即任准舊例

處分其折納足段定中估仍委州縣精加揀擇如有濫惡所由官并請准今年正月十五日旨條處分應帶節度觀察使州府合送上都兩稅錢既須差網發遣其留使錢又配管內諸州供送事頗重疊其諸道留使錢伏請各委節度觀察使先以本州舊額留使及送上都兩稅錢充如不足即於管內諸州兩稅錢內據貫均配其諸州舊額供使錢即請隨夏稅旨限收送上都度支收入次年旨符便為定制伏以諸道兩稅徵斂不常閭井

之間頗聞困弊臣今類會如前勅所納足段并依中估明知加價納物務在利及疲人若更徵剝實錢即是重傷百姓自今已後送省及留使足段不得剝徵折估錢但委刺史縣令分明告諭令加意織造不得濫惡故違節級科貶其供軍醬菜等價直合以留州使錢充者亦令見錢足段場納仍具每州每使合納見錢數及州縣官俸料納一半見錢數同分折聞奏仍便納入今年旨條以為常制餘依先是天下方鎮恣意誅求皆以實估

斂于人虛估聞於上宰臣裴珀深知其弊俾有司奏請  
釐革江淮之人今受其賜

五年正月度支奏諸州府見錢准勅宜於管內州據都  
徵錢數逐貫均配其先不徵見錢州郡不在分配限都  
配定一州見錢數任刺史着百姓隱便處置其勅文不  
加減者即准州府所申為定額如於勅額見錢外輒擅  
配一錢及納物不依送省中估刺史縣令錄事參軍節  
級科貶

六年二月制曰編戶之征既有藝極字毗之要當恤有無苟徵斂不時則困弊無日近緣諸州送使錢物回充上供合送使者使司又立程限所以每至歲首給用無資不免量抽夏稅新陳未接營辦尤艱委觀察使且以供軍錢方員借使輒不得量抽百姓夏貢有差先乎任土周弊殊等實在使人近日所徵布帛竝先定物樣一例作中估受納精粗不等退換者多轉將貨賣皆致損折其諸道留使留州錢數內綿帛等但有用處隨其高

下約中估物價優饒與納則私無棄物官靡逋財其所  
納見錢仍許五分之一中量徵二分餘三分兼納實估足  
段

六月命京兆府其兩稅宜以粟麥絲絹折納

十年三月京兆府奏恩勅蠲放百姓兩稅及諸色逋懸  
等伏以聖慈憂軫疲氓屢蠲逋賦將行久遠實在均平  
有依倚權豪因循觀望忽逢恩貸全免征繇至于孤弱  
貧人里胥敦迫及期輸納不敢稽違曠蕩之恩翻不霑

及亦有奸猾之輩僥倖為心時雨稍愆已生覬望競相  
誘扇因致逋懸若無綱條實恐滋弊自今後忽逢不稔  
或有恩蕩伏請每貫每石內分數放免輸納已畢者准  
數折免來年租稅則恩澤所加強弱普及人知分限自  
絕奸欺從之諸州府亦准此處分

十一年六月京兆府奏今年諸縣夏稅折納綾絹絕紬  
絲綿等竝請依本縣時價只定上中下等每疋加饒二  
百文綿每兩加饒十五文絲每兩加饒二十文其下等



物不在納限小戶本錢不足任納絲綿斛斗須是本戶如非本戶輒合集買成疋段代納者所由決十五枷項令衆勅旨依奏

十三年正月勅天下諸州府百姓兩稅之外輒不得更有差率已頻申勅尚恐因循宜委御史臺一切糾察其諸道州府因用兵以來或應有權置職名及擅加科配事非制者一切禁斷准西側近應緣資給軍用權宜權稅經奏請者各委條流停省

十四年四月勅如聞諸道州府長吏等或有本任得替後遂于當處買百姓莊園舍宅或因替代請庇便破除正額兩稅不出差科今後有此色竝須依額為定

穆宗以元和十五年正月即位閏正月戶部侍郎判度支崔俊奏淄青兗海鄆曹等三道及淮蔡申光等州勘定兩稅錢物斛斗等奉今年正月二十二日勅前件州郡久陷賊廷將定差科切在均一宜令度支郎中趙佶專往與所在觀察使刺史審實勘定聞奏伏以道路遙

遠准旨條夏稅六月一日起徵若待使迴覆奏即蚕桑已過徵稅失時制使或臨又頗勞擾伏請各委本州刺史審量物力約舊配額比類隣州徵稅輕重及土地物產厚薄定兩稅錢物斛斗類並具送上都及留州刺史等額分折聞奏務使平允不得令已後致有申論從之

二月詔天下百姓等自屬艱難棄其鄉井戶部版籍虛繫姓名建中元年已來改革舊制悉歸兩稅法久則弊奸滋益生自今已後宜准例三年一定兩稅非論土著

客居但據資產率皆應屬諸軍諸使諸司人等在鄉村及坊市居舖經紀者宜與百姓一例差科不得妄有影占如有違越所司具所屬司并人名聞奏焉

長慶元年正月制州縣應徵科兩稅推酒錢內舊額須納見錢數者竝任百姓隨所有足段及斛斗依當處時價送納不得邀索見錢

七月制曰愛人本于省賦雖必在輕國用出于地財又安可闕今淮蔡并山東率三十餘州約數千里頒賜可

踰于鉅萬給復有至于連年應河南河北等州給復限  
滿處置宜委所在長吏審詳墾田并桑見定數均輸稅  
賦兼濟公私每定稅訖具所增加賦申奏其諸道定戶  
宜委觀察使刺史必加審實務使均平京兆府亦宜准  
此

敬宗以長慶四年正月即位三月制曰自今已後州府  
所由戶帳及墾田頃畝宜據見徵稅案為定申省後戶  
部類會具單數聞奏仍勅五年一定稅如有逃亡死損

州縣須隨事均補亦仰年終申戶部如有隱漏委御史臺及所在巡院察訪聞奏天下兩稅及諸色權稅等錢弊輕重須有損益亦委中書門下條流聞奏諸道除正勅率稅外不得擅有諸色權稅事涉擾人并宜禁斷及軍屯營種有侵占丁田課役稅戶者宜委御史臺切加訪察仍限勅到一月內每道各具所還州縣頃畝分析聞奏

寶歷元年四月制京畿百姓多屬諸軍諸使或戶內一

人在軍其父子兄弟皆不受府縣差役項者頻有制勅處分如聞尚未遵行宜委京兆府亦舉明前後條流聞  
奏

文宗太和二年二月興元尹王涯奏本府南鄭兩稅錢額素高每年徵科例多懸欠今請于管內四州均攤代納二千五百貫文配蓬州七百五十貫果州七百五十貫通州五百貫邑州五百貫勅旨宜付所司

四年五月劍南西川宣撫使諫議大夫崔戎奏准詔旨

制置劍南西川兩稅舊納見錢今令一半納見錢一半  
納當土所在雜物仍于時估之外每貫加饒三百五文  
依元估充送省及留州留使支用者今臣與郭釗商量  
當道兩稅並納見錢軍中支用及將士官吏俸依賜並  
以見錢給付今若一半折納則將士請受折損校多今  
請兩稅錢數內三分二分納見錢一分納足段及雜物  
准詔每貫加饒五百文計優饒百姓一十三萬四千二  
百四十三貫文成都府及諸縣并邛雅黎等州蠻寇所



經處賦稅三分蠲放一分其不經賊處亦量減放共計  
減放一萬七千六百二十貫文其不經賊處伏緣兩稅  
先徵見錢今三分已一分折納雜物計優饒百姓一十  
三萬餘貫文西川稅科舊有苗青如茄子薑芋之類每  
畝或至七八百文徵斂不時煩擾頗甚今令並省稅名  
目一切勒停盡依諸處為兩限有青苗約立等第頒給  
戶帖兩稅之外餘名一切勒停今臣與郭釗商量得報  
稱已是徵夏稅之時改法未得先已奏請以今年已後

每年冬于本色苗本額稅中並減一半訖計減放四萬二千五百四十四貫文臣奉使日伏蒙處置如前可之五年十一月詔曰鄆曹濮淄青登齊萊兗海沂密等十二州自頃年收復已來屬中外多故徵賦輕重或未均平今三道守臣無非循吏百姓安逸流亡盡歸須于此時立一經制宜令諫議大夫王彥威充勘定兩稅使仍與令狐楚等審商量其兩稅權酒及徵物足數虛實估價并留州留使上供等錢物斛斗比類諸道一一開項

分析平均攤配立一定額使人知常數不可加減迴日  
具件聞奏

六年九月淄青觀察使王承元奏准旨定徵兩稅五州  
共一十九萬三千九百八十九貫淄青自收復後未有  
兩稅上供自此始徵是年天平軍奏請起天和七年歲  
供兩稅榷酒等錢十五萬貫粟五萬石

自元和末勾復  
李師道十二州

朝廷不安反側徵賦所入  
盡留贍軍至是方歸王府

八年十月興元觀察使請減當府及洋州兩稅錢八千

六百貫文移加果閘渠開等四郡

開成二年二月勅諸州府或遇水旱有欠稅額合供錢物斛斗委州縣官長設法招携及招戶承佃其錢陸續填納年終後具歸復填補錢物數聞奏并報度支

四年十二月邕管經畧使唐弘實奏當管上供兩稅錢一千四百七十三貫文其見錢請每年附廣州綱送納勅宜委嶺南西道觀察使每年與受領迴易輕貨附綱送省其儻運脚錢仍令數內抽折

武宗會昌元年正月制曰租斂有常王制斯在徵率無  
藝齊民何依尚外諸州府百姓所種田苗率稅斛斗素  
有定額如聞近年長吏不遵條法分外徵求致使力農  
之夫轉加困弊亦有每歲差官巡簡勞擾頗深自今已  
後州縣每年所徵斛斗一切依元額為定不得隨年簡  
責數外如有陂澤山原百姓或力能墾闢耕種州縣不  
得輒問所收苗子五年不在收稅限五年之外依例收  
稅於一鄉之中先填貧戶欠闕如無欠闕即均減衆戶

合徵斛斗但令不失元額不得隨田地頃畝加稅仍委本道觀察使每年秋成之時具管內墾闢田地頃畝及合徵上供留州使斛斗數分析聞奏數外有剩納人戶斛斗刺史以下并節級重加懲貶觀察使奏聽進止仍令出使郎官御史及度支鹽鐵知院官訪察聞奏

四年七月中書奏諸道百姓所納二稅并留州錢帛諸物多是虛擡價例其分數並乃不依朝廷須議科繩當行懲責勅從之

宣宗大中二年正月制諸州府縣等稅納只合先差優  
長戶車牛近者多是權要及富豪之家悉請留縣輸納  
致使單貧之人却須催脚般載從今已後其留縣並須  
先饒貧下不支濟戶如有違越節級官吏重加科殿

四月勅曰朕以俗未臻於富庶念每切於黎元衣食罕  
充旰昃興歎夫百姓田疇地有高低歲有善惡復有水  
澇即低田不稔稍遇亢旱即高處無苗近聞州縣長吏  
掩其水旱傷損務求辦集唯于熟苗上加徵將填欠數

致使黎元重困惠養全乖自今後州縣百姓有遭水旱苗稼不收處簡驗不虛便准前後勅文破免不得加徵熟田人戶令本配額外重出斛斗

四年正月大赦節文食力之徒須令自濟天下倉場所納斛斗如聞廣索耗物別置一倉斛斗又隨斗納耗物率以為常致疲人轉困職此之由自今委長吏切加提舉一切依倉部格如有違犯專知官停見任仍殿兩選所由決脊杖二十准法處分所貴利歸農畝耕者不饑



其天下諸州府百姓兩稅之外輒不許更有差率已頻  
申勅尚恐因循宜委御史臺切加糾察如有違犯縣令  
錄事參軍判官節級科責長吏不存勾當亦委臺司察  
訪聞奏其諸道州府應所征兩稅疋段等物竝留使錢  
物納疋段等虛實估價及見錢從來皆有定額如聞近  
日或有虛實於價數內徵實估物又其分數亦不盡依  
勅條宜委長吏切加遵守苟有違越必議科繩本判及  
專知官當重懲責

懿宗咸通元年十二月制舊以天下賦租年終勾竝或  
刺史入府或縣令上州所科羣胥盡出百姓且官有理  
所安可擅離物犯贓條何須枉法從今委知彈御史出  
使即官凡繫抵違明具論奏仍委預為條目各遣聞知  
梁太祖開平元年既受唐禪兩稅之法咸因唐制

後唐莊宗同光二年二月勅歷代以後除桑田正稅外  
只有茶鹽銅鐵出山澤之利有商稅之名其餘諸司竝  
無稅額偽朝已來通言雜稅有形之類無稅不加為弊

頗深興怨無已今則軍需尚重國力未充猶且權宜未能全去見簡天下桑田正稅除三司上供既能無漏則四方雜稅必可盡除仰所司速簡勘天下州府戶口正額墾田實數待憑條理以息煩苛

三年二月勅魏府小菽豆稅每畝與減放三升城內店宅園圃比來無稅頃因偽命遂有配徵後來元將所徵物色添助軍人衣賜將令通濟宜示矜蠲今據繁慢去處於見輸稅絲上每兩作三等酌量納錢貴與充本迴

圖收市軍人衣賜其絲永與除放

閏十二月吏部尚書李琪上疏請兩稅不以折納為事  
不以紐配為名止以正稅加納勅本朝徵科唯有兩稅  
至于折紐比不施為宜依李琪所論應逐稅合納錢物  
斛斗及鹽錢等宜令租庸司指揮竝准元徵本色輸納  
不得更改若有移改須具事由聞奏請下中書門下商  
量別候勅旨

明宗初為監國下教今年夏苗委人戶自供通頃畝五

家為保本州具帳送省州縣不得差人簡括如人戶隱  
欺許人陳告其田倍徵其百姓合散蠶鹽每年抵二月  
內一度俵散依夏稅限納錢夏秋苗畝稅子除元徵石  
斗及地頭錢餘外不得紐

天成元年四月勅應納夏秋稅先有省耗每斗一升起  
今後只納正錢不得別量省耗其餘芻藁亦不得別加  
徵耗

三年正月勅諸道秋夏苗只取天成二年舊額徵理

長興元年二月制曰應天下州府各徵秋夏苗稅土地  
節氣各有早晚訪聞天下州縣官吏于省限前預先徵  
促致百姓生持送納博買供輸既不利其生民今特議  
其改革宜令所司更展期限於是戶部奏三京鄴都諸  
道州府逐年所徵夏秋稅租兼鹽麩折徵諸般錢穀等  
起徵條流內河南府華耀陝絳鄭孟懷陳齊棣延兗沂  
徐宿汶申安滑濮澶商襄均房雍許邢鄧維磁唐隋郢  
蔡同鄆魏汴潁復曹鄜宋亳蒲等州四十七處節候常

早大小麥麴麥豌豆取五月十五日起徵至八月一日  
納足正稅正段錢鞋地頭榷麴蠶鹽及諸色折科取六  
月五日起徵至八月二十日納足幽定鎮滄晉隰慈密  
青登淄萊邠寧慶衍十六處節候校晚大小麥麴麥豌豆  
豆取六月一日起徵至八月十五日納足正稅正段錢  
鞋地頭錢榷麴蠶鹽及諸色折科取六月十日起徵至  
八月二十五日納足并潞澤應威塞軍大同軍振武軍  
七處節候更晚大小麥豌豆取六月十日起徵至九月

納足正稅足段錢鞋榷麴錢等取六月二十日起徵至九月納足

三月勅天下州府受納稗草每束納一文足陌每一百束納紐子四莖充積草供使棘針一莖充擗場院其草并柴蒿一束只納一束其細絹絕布綾羅每足納錢一十文足陌絲綿紬線麻布等每一十兩納耗半兩麻鞋每量納錢一文足陌見錢每貫納錢七文陌省庫受納諸處上供錢物元條流見錢每貫納二文足陌絲綿紬



線子每一百兩納耗一兩其諸色疋段並無加耗此後  
並須依上件則例受納

二年閏五月勅今後諸州府所納稭草每二十束別納  
加耗一束充塲司耗折其每束上舊納盤纏錢一文仰  
官典同供繫署一一分明上歷至納遣了絕已來公使  
不得輒將出外分張破使

六月詔曰務穡勸分前賢之令範哀多益寡往聖之格  
言比者諸道賦稅一定數額廣種不編於帳案頻通恐

撓于鄉村如聞不逮之家困於輸納爰議有餘之戶共與均攤貴表一時之恩不作常年之例宜委諸道觀察使於屬縣每村定有力戶一人充村長於村人議有力人戶出剩田苗補下貧不迨頃畝自肯者即具狀徵收有詞者即排段簡括便自今年起為定額

三年三月三司使奏諸道上供稅物充兵士衣賜不足其天下兩稅所納斛斗及錢除支贍外請依時估折納綾羅綿絹從之

末帝清泰三年鎮州董溫琪以旱苗不迨舊籍欲於諸縣均攤從之

晉高祖天福元年閏十一月勅應諸道州府所徵百姓正稅斛斗錢帛等除關係省司文帳外所在州府並不得裏私增添紐配租物

三年十一月晉昌軍節度使李周奏發長安縣主簿李珣齋表到闕以境內人戶羣集簡苗不得欲只於見苗上增添可之

四年二月詔曰朕自臨區夏每念蒸黎常夜思而晝行  
冀時康而俗阜其如干戈乍息瘡痍猶多由是疚懷不  
能安席復又車徒甚衆廩藏方虛雖賦租未暇於矜蠲  
而煩擾當行于禁止俾除暴斂式合羣心應郡守藩侯  
不得擅加賦役及縣邑別立監徵所納田租委人戶自  
量自槩

七年十一月禮部郎中李為光上封事為諸州府倉場  
逐年所納百姓秋夏租加耗頗多乞行條理庶得遠近

舒蘇勅曰朕自居藩邸每務躬親稟先帝之聖謨見萬  
方之庶政洎登宸極思致時康屬蝗旱為災耕桑失業  
顧惟寡昧深軫焦勞舉一食思稼穡之艱難行一事期  
黎民之蘇息為光清朝名士朱邱舊僚深窮蠹政之源  
備得養民之本況藩侯郡牧察俗觀風必能副冲人委  
仗之心駐疲俗遁逃之足明行條制俾絕侵漁使稅額  
無虧戶口獲濟斯為急務要在頒行便可散下諸州嚴  
誠主者盡令遵守無致因循徧繫惠養之功共致昇平

之運仍付所司

周太祖廣順元年七月勅秋夏徵賦素有常規苟或催督及時官吏奉法自然辦及不至愆期前後所行條流頗甚苛細殊虧大體且類空言宜有改更以示懲勸起今後秋夏徵賦省限滿後十分係欠三分者縣令主簿罰一百直勒停錄事參軍本曹官罰七十直殿兩選孔目官罰七十直降職次本孔目勾押官典決停本判官罰七十直若係欠三分已上奏取進止係欠三分已下

者等第科斷殿罰其州縣徵科節級所由委本州重行  
決責其本判官錄事參軍本曹官孔目勾押官典取一  
州都徵上比校縣令主簿即本縣都徵上比校分數州  
縣官吏等各處員寮司分寄任所徵賦稅乃是職司苟  
或慢公何以食祿將勸能吏仍立賞科應諸州縣令錄  
佐官在任徵科依省限了絕者至參選日若是四選已  
上者減一選若不及四選者則與轉官其已前所行賞  
罰條流一切不行

二年二月宣徽院言雒京留司奏莊宅等六司夏秋稅額頃畝地土園林亭殿房室水磴什物係籍者莊宅司諸巡元額定夏秋稅定是百姓係稅戶千三百五十七內侍省諸巡戶四百六十三宮苑司三巡戶二百九十七內園兩巡戶三百二十七並屬諸縣界廣德宮并苑昇平宮等勅莊宅司內侍省宮苑司內園等四司所管諸巡係稅人戶宜據逐縣界分割並還本縣管屬依例賦稅巡司所置節級所由名目並停廢其諸司所有行



從諸莊及園林亭殿房舍什物課利等仍令逐司依舊  
收管廣德昇平二宮並廢宮額隸莊宅司管係

十一月勅累朝已來用兵不息至於繕治甲冑未免配  
斂生靈取乃民資助成軍器就中皮革尤峻科刑稍犯  
嚴條皆抵極典鄉縣以之生事奸滑得以侵漁宜立新  
規用革前弊應天下所納牛皮今將逐年所納數三分  
內減放二分其一於人戶苗畝上配定每秋夏苗共  
十頃納連角牛皮一張其黃牛納乾筋四兩水牛半斤

犢子不在納限其皮人戶自詣本州送納所司不得邀  
難所有牛馬騾皮筋角今後官中更不禁斷並許私家  
供使買賣只不得將出化外敵境仍仰關津界首仔細  
覺察捕捉所犯人必加深罪其州縣先置巡簡牛皮節  
級及朝廷先降條法一切停廢其合分擘納黃牛水牛  
皮筋處其間有未盡事件委所司取便處分庶免編民  
犯禁且使人戶資家既便公私用除苛弊

三年正月勅青州在城及諸縣鎮鄉村人戶等朕臨御

已來安民是切務除疾苦俾遂蘇舒據知州閣門使張  
凝近奏陳八事於人不便積久相承宜降指揮竝從改  
正其一屬州營田後槽兩務所管課利斛斗錢物人戶  
牛具屯官等宜竝割屬州縣官舊額稅課其務及職員  
竝廢其課額內有紅花紫草萊淀麻等據時估納錢折  
絲絹亦不得其係官桑土牛具什物竝賜見佃人為永  
業其城郭內宅舍房店奏取進止其秋夏納稅足段不  
成端足者許人戶合端足不得以零尺納錢其足並須

本色不得邀納價錢改換色目如省司品配不在此限  
其二省司元納夏秋稅足段每足納十錢每貫七錢絲  
綿細線每十兩納耗半兩糧食每石耗一斗八錢蒿草  
每十束耗一束錢五分鞋每兩一錢此外別無配率今  
後青州所管州縣並依省司則例供輸如違罪無輕恕  
其三劉銖在任時於苗畝上每畝徵車脚錢每頃配柴  
炭今後並止絕其四州司每年配和買稈草及苫營草  
今後並止絕如有關三司指揮及五所徵食鹽錢每貫

別納脚錢今後止絕其六別徵進奏院糧課錢及遞鋪  
錢鞋分配縣鎮今後並止絕要即於州司公用錢內支  
遣其七州司配徵啖馬藥及汎配藥又縣鎮科配石炭  
紅花紫草今後並止絕不得配率又州司于夏苗上配  
納麥麩今後據州合用多少量于近縣配納不得遍據  
諸縣其八舊例州縣供納夏秋租稅皆畢頃追人吏到  
州勘會此後止絕稅無欠少不得追集縣吏已前事件  
已降宣命處分其屬郡淄登萊等州如有前項舊弊亦

依青州例施行

是月昭義言諸縣欠去年秋稅乞折納錢絹從之

世宗顯德三年十月勅曰齊州管內先于秋苗上俵配蠶鹽謂之察頭鹽每一石徵錢三千文苗畝雖減於舊時鹽數不侈於往日且聞黎庶頗亦艱辛其滄棣濱淄青五州管內所請蠶鹽每一石徵絹一疋地里相接苦樂頓殊輸輕者量與增添賦重者時宜蠲減庶無偏黨用示均平其齊州所納鹽價錢特與減放一半只徵一

千五百文其滄棣濱淄青等州每鹽一石舊徵絹一疋  
起來年後加一疋

是月宣三司指揮諸道州府今後夏稅以六月一日起  
徵秋稅以十月一日起徵永為定制

五年十月命左散騎常侍艾穎等三十四人使于諸州  
簡定民租

六年春諸道使臣迴總計簡到戶二百三十萬九千八  
百一十二定墾田一百八萬五千八百三十四頃淮南

郡縣不在此數

卷四百八十八

冊府元龜卷四百八十八



欽定四庫全書

冊府元龜卷四百八十九

宋 王欽若等 撰

邦計部

蠲復

古者使民以時賦調有數蓋以備國用均民力也其或  
天災流行水旱作沴兵革之後必有凶年故哀其疾苦  
而有復除之制周禮小司徒稽國中及四郊都鄙之夫  
家九比之數以辨老幼貴賤廢疾凡政之施舍者賢者

能者豫之傳亦載楚左司馬沈尹戌師都君子與王馬之屬以濟師此又在都邑之士有復除者也其後或王者之里行幸所過給軍之勞苦疾疫之災及吏民之產子孝弟力田者有時蠲之晁錯所謂德澤加于萬民民愈勤農民不困乏天下安寧歲熟且美則民大富樂矣愛人之道斯為最焉

秦始皇三十五年徙三萬家驪邑五萬家雲陽皆復不事十歲

漢高祖二年詔曰蜀漢民給軍事勞苦復勿租稅二歲

復者除其賦役也

關中卒從軍者復家一歲

五年詔曰諸侯子在關中者復之十二歲其歸者半之

非七大夫以下皆復其身及戶勿事

不輸戶賦也復其身及一戶之田皆

不徭賦也

七年春令民產子復勿事二歲

勿事不役使也

八年三月令吏卒從軍至平城及守城邑者皆復終身

勿事

十一年四月令豐人徙關中者皆復終身

六月令士卒從入蜀漢關中者皆復終身

十二年十月高帝破淮南王布還過沛留置酒沛宮帝  
擊筑歌大風之詩慷慨傷懷泣數行下謂沛父兄曰遊  
子悲故鄉吾雖都關中萬歲之後吾魂魄猶思沛且朕  
自沛公以誅暴逆遂有天下其以沛為朕湯沐邑復其民  
世世無有所與沛父兄曰沛幸復豐未得唯陛下哀矜  
乃并復豐

惠帝元年五月詔曰吏所以治民也能盡其治則民賴之故重其祿所以為民也今吏六百石以上父母妻子與同居及故吏當佩將軍都尉印將兵及佩二千石官印者家唯給軍賦他無有所與

四年正月舉民孝弟力田者復其身

文帝時晁錯奏言陛下幸使天下入粟塞下拜爵甚大惠也切恐塞卒之食不足用大滌天下粟邊食足以支五歲可令入粟郡縣矣

入諸郡縣以備凶災也

足支一歲已上時

可赦勿收農民租如此德澤加于萬民民愈勤農時有  
軍役遭水旱民不困乏天下安寧歲熟且美則民大富  
樂矣帝復從其言乃下詔賜民十二年租稅之半

二年正月詔貸種食未入未備者皆赦之

種者五穀之種也食

者所以為糧食

九月詔曰農天下之大本也民所恃以生也而民或不  
務本而事末故生不遂

衣食絕致有大喪故不遂其生

朕憂其然故今

茲親率農以勸之其賜天下民今年田租之半

三年五月帝幸太原復晉陽中都民三歲租

十三年六月詔曰農天下之本務莫大焉今塵身從事

瘠古勤字而有租稅之賦是謂本末者無以異也

本農也末賈也言農

與賈俱出租無異也故除田租其于勸農之道未備其餘田之租稅

武帝建元元年二月赦天下賜民爵一級年八十復二

算九十復田卒

二算復二口之算也復甲卒不豫車之賦也

元封四年十月行幸雍通回中道北出蕭關歷獨鹿鳴

澤自代還賜安定高平縣朝那縣涿郡道縣三縣及楊

氏皆無出今年租稅

楊氏河東聚邑名

天漢三年三月行幸泰山還幸北地詔行所過毋出田

租

昭帝始元二年秋八月詔曰往年災害多今年蠶麥傷所賑貸種食勿收責毋令民出今年田租

元鳳三年詔曰迺者民被水災頗匱於食朕虛倉廩使使者賑困乏其止四年毋漕三年以前所賑貸非丞相

御史所請邊郡受牛者勿收責

武帝始開三邊徙民屯田皆與犁牛後丞相御



史復間有所請令勅自上所賜與  
勿收丞相所請乃令其催稅耳

宣帝本始三年五月大旱郡國傷旱甚者民毋出租

賦三輔民就賤者且毋收事盡四年

收謂租賦事謂  
後使盡本始四

年而  
止

四年四月郡國地震或山摧詔被地震壞敗甚者勿收

租賦

元康二年五月詔曰今天下頗被疾疫之災朕甚愍之

其令郡國被災甚者毋出今年租賦

四年詔復平陽侯曹參玄孫之孫杜陵公乘喜家

諸復家皆

世世無所與  
得傳同產子

元帝初元元年三月行幸河東祠后土行所過勿出租

賦

四月詔曰關東今年穀不登民多困乏其令郡國被災  
害甚者毋出租賦

永光元年正月行幸甘泉郊泰畤行所過毋出租賦

成帝建始元年十二月詔郡國被災什四已上毋收田

租

三年三月赦諸逋租賦所賑貸勿收

河平四年正月赦天下諸逋租賦勿收

鴻嘉元年二月詔逋貸未入者勿收

四年春正月詔曰數勅有司務行寬大而禁苛暴迄今不改一人有辜舉宗拘繫農夫失業怨恨者衆傷害和

氣水旱為災關東流冗者衆

冗散失其事業也

青幽冀部尤劇

朕甚痛焉未聞在位有惻然者孰當助朕憂之已遣使

者循行郡國被災害什四以上民貲不滿三萬勿出租  
賦逋貸未入皆勿收流民欲入關輒籍內錄其名籍而內之所  
之郡國謹遇以禮務有以全活之思稱朕意

永始四年三月幸河東祠后土行所過無出田租

哀帝綏和三年秋詔河南潁川郡大水流殺人民壞廬  
舍其令水所傷縣邑及他郡國灾害什四已上民貲不  
滿十萬皆無出今年租賦

平帝元始元年六月復貞婦鄉一人每鄉一人取其尤家者

後漢光武建武五年十二月復濟陽二年徭役

洛陽縣故城在

今曹州宛句縣西南光武考南頓君初為濟陽令以哀帝建平六年帝生于濟陽宮故復

六年正月改春陵鄉為章陵縣世世復徭役比豐沛無

有所豫

高祖豐沛邑人故世世給復光武春陵人故比之

十九年九月光武南巡狩幸南陽進幸汝南南頓縣舍

置酒會賜吏人復南頓田租歲父老前叩頭言皇考居

此日久陛下識知寺舍

寺司也官府所止皆曰寺

每來輒加厚恩願

賜復十年帝曰天下重器嘗恐不任日復一日安敢期

十歲乎吏人又言陛下實惜之何言謙也帝大笑復增一歲二十年復濟陽縣徭役六歲

二十二年九月戊辰地震制誥曰日者地震南陽尤甚

其口賦逋稅而廬宅尤破壞者無收責

漢儀注曰人年十五至五十六

歲出賦錢人一百二十為一算又七歲至十四出口錢人二十以供天子至武帝時又口加三錢以補車騎馬逋稅謂欠田租也

三十年七月幸魯國復濟陽縣是年徭役

中元元年二月封泰山四月大赦天下復羸博梁父奉

高四縣屬秦州郡勿出今年田租芻藁

十一月復濟陽南頓是年徭役

明帝中元二年二月即位九月赦隴西勿收今年租調

人所發天水三千人亦復是歲更賦

更謂戌卒更相代也賦謂僱更之錢

也更有三品有卒更有踐更有過更古正卒無常人皆當迭為之有一月一更是為卒更貧者欲得僱更錢次直者出錢僱之月二千是為踐更古者天下人皆當戌邊三日亦名為更不可人人自行三日戌當行者不可往即還因任一歲次直者出錢三百僱之謂之過更

永平五年十月行幸鄴與趙王栩會鄴常山三老言於

帝曰上生於元氏願蒙優復詔曰豐沛濟陽受命所由  
加恩報德適其宜也今永平之政百姓怨結而吏人求  
復令人愧笑重逆此縣之拳拳其復元氏縣田租更賦  
六歲勞賜縣掾史及門闌走卒

五伯鈴下侍閤門闌部署街里走卒皆有程品

多少隨所典

九年三月詔郡國死罪囚減罪與妻子詣五原朔方占  
著所在死者皆賜妻父若男同產一人復終身其妻無  
父兄獨有母者賜其母錢六萬又復其口算



和帝永元四年十二月詔今年郡國秋稼為旱蝗所傷  
其什四已上勿收田租芻藁有不滿者以實除之

所損什不

滿四者以見損除也

六年三月庚寅詔流民欲就賤還歸者復一歲田租更賦

九年六月蝗旱詔今年秋稼為蝗虫所傷皆勿受租更芻藁若有所損失以實除之餘當收租者亦半八

十三年九月壬子詔曰荊州比歲不節今此淫水為害

平地出水為淫水餘雖頗登而多不均決深惟四民農食之本

慘然懷矜其令天下半入今年田租芻藁有宜以實除者如故事貧民假種食皆勿收責

十四年七月甲寅詔復象林縣更賦田租芻藁二歲十月甲申詔免豫荊州今年水雨淫過多傷農功其令被害什四已上皆半入田租芻藁其不滿者以實除之

十六年七月辛巳詔令天下皆半入今年田租芻藁其被災害者以實除之及田租芻藁皆勿收責

安帝永初四年正月丁卯詔以三輔比遭寇亂人庶流  
冗除三年逋租過更口算芻藁

七年八月詔郡國被蝗傷稼十五已上勿收今年田租  
不滿者以實除之

元初元年十月乙卯詔除三輔三歲田租更賦口算

建光元年十一月詔今年田租其被災甚者勿收口賦  
丙午詔京師及郡國被水雨傷稼者隨頃畝減田租

延光元年京師及郡國二十七雨水大風殺人詔田被

淹傷者一切勿收田租

三年二月東巡狩祠南頓君光武皇帝于濟陽復濟陽  
今年田租爲藁

四年六月少帝北鄉侯詔先帝巡狩所幸皆半入今年  
田租

順帝永建元年十月甲辰詔以疫癘水滂令入半輸今  
年田租傷害什四已上勿收責不滿者以實除之

三年正月丙子漢陽地陷裂乙未詔勿收漢陽今年田

租口賦

五年四月辛巳詔郡國貧人被災者勿收責今年過更  
六年十一月辛亥詔曰連年災潦冀部尤甚比蠲除實  
傷瞻恤窮匱而百姓猶有棄業流亡不絕疑郡國用心  
怠惰恩澤不宣易美損上益下書稱安民則惠其令冀  
部勿收今年田租芻藁

陽嘉元年三月大赦廩冀州尤貧民勿收今年更租口

賦

永和三年二月乙亥京師及金城隴西地震二郡山岸  
摧地陷戊戌遣光祿大夫按行金城隴西賜壓死者除  
今年田租尤甚者勿收口賦

四年八月太原郡旱民庶流冗癸丑遣光祿大夫按行  
除更賦

桓帝建和元年正月戊午大赦灾害所傷什四已上勿  
收田租其不滿者以實除之

永壽元年六月詔泰山瑯琊遇賊者勿收田租復更算

三年

延熹九年正月詔曰比歲不登人多饑窮又有水旱疾疫之困盜賊徵發南州尤甚災異日食譴告累至亂政在予仍獲咎徵其令大司農絕今歲調度徵求及前年所調未畢者勿復收責其災旱盜賊之郡勿收餘郡悉半入

永康元年復博陵河間二郡比豐沛

河間桓帝祖所封博陵桓帝父蠡吾

侯真陵在此

靈帝熹平四年四月郡國七大水六月弘農三輔螟令郡國遇災者減田租之半其傷害什四已上勿收責

光和六年二月復長陵縣比豐沛

高祖陵名長陵也

獻帝建安二十四年十一月孫權定荊州盡除荊州民租稅

魏文帝以漢延康元年七月甲午南征至譙令曰先王皆樂其所生禮不忘其本譙霸王之邦真人本出其復譙租稅二年



黃初二年正月壬午復潁川郡一年田租詔曰潁川先  
帝所由起兵征伐也官渡之役四方瓦解遠近顧望而  
此郡守義丁壯荷戈老弱負糧者漢祖以秦中為國本  
光武恃河內為王基今朕復於此登壇受禪其以此郡  
翼成大魏

明帝青龍元年正月甲申青龍見邾之摩陂井中二月  
改元改摩陂為龍陂鰥寡孤獨無出今年租賦

陳留王景元四年十二月以蜀劉禪降癸丑特赦益州

士民復除租賦之半

咸熙元年十月詔勸募蜀人能內移者給廩二年復除  
二十歲

吳大帝嘉禾三年正月詔曰兵久不輟民困於役歲或  
不登其寬諸逋勿復督課

晉武帝泰始元年十二月即位大赦復天下租賦及關  
市稅一年

六年七月丁酉復隴右五郡遇寇害者租賦

七年閏五月詔交趾三郡南中諸郡無出今年戶調  
八年六月丙申詔復隴右四郡遇寇害者租賦

咸寧元年二月以將士應已娶者多家有五女者給復  
太康元年五月詔吳將吏渡江復十年百姓及百工復  
二十年十月除五女復

三年十二月丙申詔四方水旱甚者無出田租

四年七月丙寅兗州大水復其田租

五年七月減天下戶課三分之一

卷四百六十九  
六年正月庚申朔以比歲不登免租貸宿負八月減百  
姓綿絹三分之一

惠帝永平元年五月壬午除天下戶調綿絹

成帝咸和四年七月詔復遭賊郡縣租稅三年

咸康二年三月旱詔免所旱郡縣徭役

六年十一月癸卯復琅琊比漢豐沛

琅琊元  
帝本封

孝武寧康二年四月壬戌詔三吳義興晉陵及會稽遭水  
之縣尤甚者全除一年租布其次聽除半年

大元四年正月辛酉大赦郡縣遭水旱者減租稅

五年六月以比歲荒儉大赦自大元三年以前逋租宿債皆蠲除之

宋高祖永初元年八月戊辰詔曰彭沛下邳三郡首事所基情義繾綣事由情獎今昔所同彭城桑梓本鄉加隆攸在優復之制宜同豐沛彭沛下邳可復租布三十年

文帝元嘉元年八月丁酉即位大赦天下逋租宿債勿

復收已酉詔減荆湘二州今年租布之半

四年三月行幸丹徒謁京陵詔曰丹徒桑梓綢繆大業攸始踐境永懷觸感罔極昔漢章南巡加恩元氏况情義二三有兼曩日思播遺澤酬慰士民其蠲此縣今年租布

十七年十一月丁亥詔曰前所給揚南徐二州百姓田糧種子宛兩豫青徐諸州比年所寬租穀應督入者悉除半今年有不收處都原之凡諸逋債優量申減又州

郡估稅所在市調多有煩刻山澤之利猶或禁斷役召  
之品遂及稚弱諸如此比傷治害民自今咸依法令務  
盡優允如有不便即依事別言不得苟趨一時以乖隱  
卹之旨主者明加宣下稱朕意焉

二十四年正月甲戌大赦蠲建康秣陵二縣今年田租  
之半

二十六年三月丁巳以行幸丹徒謁京陵詔復丹徒縣  
僑舊今歲租布之半行所經縣蠲田租之半乙丑申南

北沛下邳三郡復

二十八年魏人自盱眙奔走癸酉詔曰獫狁孔熾難及  
數州睽言念之寤寐興悼強敵瘳挫迸跡遠奔彫傷之  
民宜時振理凡遭寇賊郡縣令還復居業封屍掩骼贍  
賑饑流東作方始務盡勸課貸給之宜事從優厚其流  
寓江淮者並聽節屬并蠲復調稅

孝武帝以元嘉三十年五月甲戌即位甲午曲赦京邑  
三百里內并蠲今年租稅新亭戰亡者復同京城蠲尋



陽西陽郡租布三年

孝建元年七月丙辰大赦逋租宿債勿復收曲赦京邑  
三百里

三年制荆徐兗豫雍青冀七州統內家有馬一疋者蠲  
復一丁

大明三年二月荊州饑三月甲申原田租布各有差  
四月竟陵王誕反於廣陵車駕出頓宣武堂

七月己巳斬誕辛未大赦王畿下貧之家近行頓所由

並蠲租一年

四年正月乙亥躬耕藉田大赦原除逋租宿債

五年二月癸巳詔伐蠻之家蠲租稅之半

六年四月庚申詔原除南兗州大明三年已前逋租

八月癸亥詔原除大明四年已前逋租

七年二月甲寅巡南豫南兗二州丙辰赦令行幸所無  
出今歲租布其逋稅餘債勿復收蠲歷陽郡租輸三年  
十二月丙午行幸歷陽郡甲寅大赦蠲郡租十年

前廢帝以大明八年閏五月庚申即位十月庚辰詔原  
除揚南徐州大明七年逋租

景和元年八月丙辰原除吳興義興晉陵琅琊五郡大  
明八年已前逋租

明帝泰始二年十一月丙申制東土經荒流散並各還  
本蠲衆調

四年四月己卯詔減郡縣田租之半

後廢帝元徽二年五月壬子江州刺史桂陽王休範反

齊王蕭道成等討平之戊戌原除江州逋債其有課非常調役為民蠹者悉皆蠲停

三年四月遣尚書郎到諸州檢括民戶窮老尤貧者蠲除課調丁壯猶有生業隨宜寬申貲財足以充限者督令結畢

四年七月戊子南徐州刺史建平王景素據京師反討平之丙申原京邑二縣元年已前逋租

順帝昇明元年七月雍州大水八月壬子遣使賑卹蠲

除稅調丁卯原除元年已前逋調復郡縣祿田

二年二月戊子蠲雍州緣沔居民前被水災者租布

南齊高帝建元三年七月丁巳詔南蘭陵桑梓本郡長  
蠲租布武進王業所基復十年又詔三吳義興三  
郡遭水減今年田租

二年二月甲午詔江西北民遭難流徙者制遣還本土  
蠲今年租稅

十月原建元已前逋租

三年六月大赦逋租宿債除減有差

四年二月詔元年已前逋債皆原除

武帝以建元四年三月壬戌即位癸酉詔曰城直之制

城直言取財直以修城也

歷代宜同頃歲逋弛遂以萬計雖在憲宜

懲而原心可諒積年逋城可悉原蕩自茲以後申舊科有違糾裁

六月戊戌詔曰吳興義興遭水蠲除租調

永明元年三月戊寅詔逋負督贓建元四年三月已前

皆特除

四年閏正月辛亥躬耕籍田詔曰諸逋負在三年已前尤窮弊者一皆蠲除

五年七月戊申詔曰丹陽屬縣建元四年已來至永明三年所逋田租殊為不少京甸之內宜加優貸其中非貧者可悉原停

八月乙亥詔今夏雨水吳興義興二郡田農多傷詳蠲租調九月丙午詔尤貧之家可蠲三調二年

六年閏十月乙卯詔曰北充北徐豫司雍青冀八州邊接疆場民多懸罄原永明以前所逋租調

七年正月戊申詔曰雍州頻歲戎役兼水旱為弊原四年已前逋租

八年七月癸亥詔曰司雍二州比歲不稔雍州八年已前司州七年已前逋租悉原汝南一郡復限更申五年十月原建元以前逋租

九年八月吳興義興大水乙卯蠲二郡租



十年正月戊午詔諸責負衆逋七年已前悉原除高貲  
不在此例

十一年七月詔曰水旱為災實傷農稼江淮之間倉廩  
既虛遂草竊充斥互相侵奪依阻山湖成此逋逃曲赦  
南北兗豫司徐五州南豫州之歷陽譙臨江廬江四郡  
三調衆逋宿債並同原除其緣淮及青冀新附僑民復  
除已訖更申五年

鬱林王以永明十一年七月戊寅即位癸未凡逋三調

及衆責在今七月二十日前悉同蠲除

明帝建武元年十月癸亥即位詔逋租宿債換負官物  
在建武元年以前悉原除之

二年三月戊申詔南徐州僑舊民丁多充戎旅蠲今年  
三課己未詔雍豫司南兗徐五州遇寇之家悉停今年  
租調丙寅停青州麥租

十二月丁酉詔吳晉陵二郡失稔之鄉蠲三調有差  
四年正月壬寅詔曰民產子者蠲其父母調役一年新

婚者蠲夫役一年

永泰元年正月癸未朔大赦逋租宿債在四年之前皆  
悉原除三月丙午蠲雍州遇魏軍之縣租布

東昏侯永元元年六月甲子詔原雍州今年三調

八月乙巳蠲京邑遇水資財漂蕩者今年調稅

和帝中興元年三月乙巳即位于江陵四月戊辰詔曰  
荆雍義舉所基實始王迹君子勞心細人盡力宜加酬  
獎副其乃誠凡東討衆軍及諸嚮義之衆可普復除

梁高祖天監元年四月丙寅即位赦逋布口錢宿債勿

復收是歲復南蘭陵武進縣依前代之科

蘭陵帝所生地

二年六月丁亥詔以東陽信安豐安三縣水潦漂損居

民資業遣使周履量蠲課調

七年六月辛酉復建修二陵週迴五里內居民

十六年正月辛未親祠南郊詔尤貧之家勿收今年三

調

普通元年正月乙亥朔大赦尤貧之家勿收常調

二年正月辛巳親祠南郊詔尤貧之家勿收租賦

六年三月丙午賜新附民長復除

大通元年春正月辛未詔曰欽奉時事虔薦蒼璧思承天德惠此下民凡因事去土流移他境者並聽復宅業蠲役五年尤貧之家勿收三調

大同元年十一月癸亥賜梁州歸附者復除有差

四年八月甲辰詔南兗北徐西徐東徐青冀南北青武仁僮睢等一十二州既經饑饉曲赦逋租宿債勿收今

年三調

七年正月辛巳親祠南郊赦天下其有流移及失桑梓者各還田宅蠲課五年

十一月丁丑詔曰民之多幸國之不幸恩澤屢加彌長奸盜朕亦知此之為病矣如不優赦非仁人之心凡厥讐耗逋負起今七年十一月九日昧爽已前在民間無問多少言上尚書督所未入者皆赦除之

十年三月甲午幸蘭陵詣建寧陵至修陵壬寅詔所經縣

邑並無出今年租賦監所債民蠲復二年

九月己丑詔其有因饑逐食離鄉去土悉聽復業蠲課  
五年

中大同元年三月乙巳赦其或為事逃叛流移困饑亡  
鄉失土可聽復業蠲課五年停其徭役其被拘之身各  
還本郡舊業若在皆悉還之

太清元年正月辛酉親祠南郊大赦天下尤窮者無出  
即年租流移他鄉聽復宅業蠲課五年

元帝承聖二年二月庚午詔曰食乃民天農為治本垂  
之千載貽諸百王莫不敬授民時躬耕帝籍是以稼穡  
為寶周頌嘉其樂章禾麥不成魯史書其方冊秦人有  
耕力之科漢氏開屯田之利頃歲屯否多難薦臻干戈  
不戢我則未暇廣田之令無聞於郡國載師之職有陋  
于官方今元惡殄殲海內方一其庇黔首庶拯橫流一  
屢曠務勞心日昃一夫廢業烏鹵無遺國富刑清家給  
民足其力田之身在所蠲免外即宣勒稱朕意焉



陳高祖永定元年十月乙亥即位大赦天下逋租宿  
債皆勿復收

二年十月甲寅太極殿成匠各給復

文帝天嘉元年二月乙亥詔曰日者凶渠肆虐衆軍進  
討舟艦輸積權倩民丁師出經時役勞日久今氛祲廓  
清宜有甄被可蠲復丁身夫妻三年于役不幸者復其  
妻子

宣帝大建二年秋八月甲申詔曰懷遠以德抑惟常典

去戎即華民之本志頃年江介繼負相隨崎嶇歸化亭  
候不絕宜加卹養答其誠心維是荒境自投有在都邑  
及諸州鎮不問遠近並蠲課役

四年八月乙未詔停督湘江二州逋租無錫等十五縣流  
民並蠲其徭賦

閏十月辛未詔曰姑熟饒曠荆河澌擬博望關畿天  
限巖峻龍山南指牛渚北臨對熊繹之餘城邇全琮之  
故壘良疇美柘畦畝相望連宇高甍阡陌如繡自梁末

兵災彫殘略盡比雖務優寬猶未克復咫尺封畿宜涇  
殷阜且衆將部下多寄上下軍民雜俗極為蠹耗自今  
有罷任之徒許分留部下其已在江外亦悉迎還任南  
州津裏安置有無交貨不責市估菜荒墾闢亦停租稅  
臺遣鎮監一人共刺史津主分明檢押給地賦田各立  
頓舍

六年三月癸亥詔曰去歲南川頗言失稔所督田租于  
今未即豫章等六部大建五年田租可申半至秋豫章

金史卷之八十九  
卷四十八十九  
又通大建四年檢首田租亦申至秋南康一郡下應接  
民間尤弊大建四年田租未入者可特原除庶修墾無  
廢歲取萬貫

十一月乙亥詔北討行軍之所並給復十年

八年二月丁丑詔江東道大建五年已前租稅夏調逋  
在民間者皆原除之

九年五月丙子詔曰朕昧旦求衣日旰方食思弘億兆  
用臻俾乂而牧守蒞民廉平未洽常年租賦多置逋餘

即此務農宜弘寬省可起大建已來訖八年流移叛戶  
所帶租調七年八年叛義丁六年七年逋租田米粟夏  
調綿絹絲布帛等五年訖七年通貨絹皆悉原之

十二年十一月己丑詔以亢旱傷農畿內為甚其丹陽  
等十郡并諸署即年田稅祿秩並令原半其丁租申至  
來年秋登

後主至德二年十月己酉詔曰耕田自足乃曰淳風貢  
賦之興其來尚矣蓋由廣亟務不獲已而行焉但法令

滋章奸盜多有俗尚澆詐政鮮惟良朕日旰夜分矜一物之失所泣辜罪已愧三千之未措望訂初下使彊蔭兼出如聞貧富均起單弱重弊斯豈振窮扇暘之意與是乃下吏箕歛之苛也故云百姓不足君孰與足自大建十四年望訂租調逋未入者並悉原除餘具閔位戒勵門禎明元年三月丁卯詔至德元年望訂租調逋未入者并皆原之

冊府元龜卷四百八十九